

Kálaad ábεε Yuánes nyə á cilə yé

Isâ í dúgyá nə Yuánes ábεε yí

Muud nyə á cilə kálaad éga yé ηgə jôw nyəméfwó nə «Acúmbá muud». Nji, wó ká mpu gwág nda á ηgə lás ná, wo bwey mpu né nyə á jəla nə bæ wúl lúlúú né a jee bæ nə dúl bímbí lú íjwúga. A ηgə cilə Cwámba múdá Zembî nyə á féesh yé, bəndəη bwán bé, ntó ji ná Dɔ mə Yésus nə buud wá cínəηg.

Kálaad éga ji nda Yuánes nyə a kwás isâ nyə á fwo ci kálaad ashúshwóógú dí yí, a wóɔlə byo mbwoomb: á nyiηgə báásulə bwo cɛ lú cɛelí (4-6), nyiηgə báásulə né bwə ɔ káálúgə nə buud ɔ məshiiɡə (7-11) bwə ηgə ci ná Yésus nyə a shígé bæ nə nyúul muud wá. Sâ Yuánes mə kwádúlə wa yí jí ná a lwó váál ókrísten bwə cúgəg nə buud ɔ məshiiɡə bəəηg yí: á ci ímpánzə 10 nə 11 dí né: «Bwə nda dɛ jεend váál búúd dəəηg, bwə á bá nyiηgula bów-bôw mísóólúgú myáηúɔd». A mú ka shínal kálaad nə məkəl né a bá kə wu bwədí, a ka námə ηgə báda bwo (12-13).

Yuánes ηgə námə bándulə muud yēsh mə lɔ kálaad éga ná a nádag nə fwámé búgə jé, námə nda nyə á fwo bándulə kálaad ashúshwóógú dí né.

Məbádá

¹ Mə, Acúmbá muud, mə wə mə cílə wo Cwámba múdá* Zembî nyə á féesh yé, bíndəη bwán bwô. Mə ηgə cɛel bí fwámé cɛel. Məméfwó ntəg námə dí ηgə cɛel bí, bóól búúd bēsh bwə á mə mpu óbúbələ wá bwə ηgə námə cɛel bí.

1:1 3Yn 1 * 1:1 Cwámba múdá: Bwə ηgə ci na né í cúgə ηkúmba múúd; jisə dúl váál jówúlə Dɔ lú óbúgula. Wo ji nə ηkul dúg Iza 54, bwə ηgə lás nə Siyôn cínəηgú nda ηgwól múdá.

² Sá ηγə cεel bí ntó nəcə obúbále bwá á má ηwa jiya shédí ícugəd, bwá bá námé ji shédí ícug dí kandugə á kandugə.

³ Zembî Sósηgú bá Mwân yé Yésus-Krîst bwá bá sá shé mpaam, bwá gwág shé cey lámúd, bwá sá námé ná shé cügəg ná sheε. Bwá bá ηγə sá ntó námé nda shé é ηγə mpu obúbále shé ηγə ciila ná.

Ciilagá, bi ηγə cugə óbúbaléd

⁴ Mə a jág bul bæ nə məshusug nə gwágúlə ná bósól bwán bwô bwá ηγə cugə mbií óbúbále bwá ηγə jii yí, ηγə bε cεε Dâ nyə á yə sá yí. ⁵ Ná ndéé, Amuda, cεε má zə cilə wo ga í cüge gúl sâ ágúgwáan ná wo abwélé gwág. Dúsə cεε shé bí nə ndí té wúlə ja shé á tééd ná shé má bε *Krîst yí. Cεε dɔɔηg dúsə ná shé cílag shémé nə shémé. ⁶ Bálə nə cεlí wúsə ná muud bε məcεε má Zembî. Cεε bí á jíg té wúlə ja bí á tééd ná bi má bε Krîst yí, dwá wə cí, ná bi cílag, dwá wə bí má jéla ná bε yí.

⁷ Má ci ntó nəcə ncúlyá buud ɔ məshīgā bwá mú shí mishwun, bwá áηgê nə magulə ná Yésus-Krîst nyə á zhu wə Zembî zə ηwa nyúul muud. Muud yêsh mə sá ntó yé, muud məshīgá wə éne, a ηγə lumbəli nə Krîst. ⁸ Bî ó bey. Í ajíyé ná bi bág shúb sâ sə á ηγə sɔ nə iséy bísu yí, í yidá jii ná bi bág lóg myəna myêsh myâ cínəηg. ⁹ Muud yêsh mə bə kú bε nji njígúlá mə Krîst, a yidá nteηg yé, a cugé nə Zembî. Nyɔɔηg mə bε nji njígúlá wɔɔηg yé, nywáá ji nə Sósηgú bá bêsh Mwân. ¹⁰ Ná ndéé, ηkí ηgwól múúd mə zə nûη bídí a kú ηγə jíguli njígúlá wɔɔηgú, bí nda lóg nyə bídí njów, bí nda jeend nyə. ¹¹ Nəcə muud mə jéend mbií múúd wɔɔηg yé má nyíngula bów-bôw mísólágú myéd.

¹² Mə ji nə zhwoɡ zhwoɡ isâ mə jááw bî, nji mə shíɡé cɛɛl cilə bí byo fábuđ nə tíndi†. Mə ji yidá bə nə búɡé nə mə e bá zə nûŋ zə lésha nə bí, bi njúl mə njúl, shú nə shé bág bə nə məshusug músé kú nə zhúɡé má.

¹³ Bwán ó *mínyɔŋê shilə woó Zembî nyə á féesh yé bwə ŋgə báda wo.

^{1:12} 3Yn 13-14 † ^{1:12} tíndi: Í á dɛ bə wúl mbií məjúwó nda məjúwó mə lwaaw; bwé á dɛ juwo kwas məjúwó məɔŋɡúđ ka dɛ cilə nə ndî.

Kálaad Zembî : Sə́ á Gúgwáan New Testament in Makaa

copyright © 2014 Wycliffe Bible Translators, Inc.

Language: Makaa

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Makaa

© 2014, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

